

尚書注疏

五六

116
55
37

漢書門	六	一	三	九
類	一	五	三	九
函	一	三	五	九
架	一	三	五	九
冊	一	三	五	九

內閣文庫	漢	六	一	三	九
類	一	五	三	九	
函	一	三	五	九	
冊	一	三	五	九	

內閣文庫	漢	6139
冊數	125	(11)
函號	276	17

內閣文庫	漢	6139
冊數	125	(12)
函號	276	17



尚書注疏



東 京 圖 書 館			
一	九	一	經
冊	號	架	書
			門
			類

汲古閣本十三經正義
合九十八冊





尚書註疏卷第九

漢孔章氏傳

唐孔穎達疏

盤庚上第九

商書

盤庚五遷將治亳殷

亳殷 ○盤本又作般步
干反治直吏反

民咨胥怨

徙乃咨嗟憂愁相與怨上

○胥徐思餘
反怨紆萬反


作盤庚三篇

仲丁河賈甲祖乙皆言誥歷載於篇盤庚最在

尚書疏

卷之九

及古



其後故序摠之自湯至盤庚凡五遷都今盤庚將欲
遷居而治於亳之殷治民皆戀其故居不欲移徙咨
嗟憂愁相與怨上盤庚以言辭詰之史敘其事作盤
庚一篇○自湯至亳殷○正義曰經言不常厥邑
十今五邦故序言盤庚五遷傳嫌一身五遷故辨之
云自湯至盤庚凡五遷都也上文言自契至于成湯
入遷并數湯爲入此言盤庚五遷又并數湯爲五湯
一人再數故班固云殷人屢遷前入後五其實止十
二也此序云盤庚將治亳殷下傳云殷亳之別名則
曰殷卽是一都湯遷還從先王居也波冢古文云盤
庚自奄遷于殷殷在鄆南三十里東哲云尚書序盤
庚五遷將治亳殷舊說以爲居亳亳殷在河南孔子
壁中尚書云將始宅殷是與古文不同也漢書項羽
傳云泗水南殷墟上今安陽西有殷東哲以殷在河
北與亳異也然孔子壁內之書安國先得其本此將
治亳殷不可作將始宅殷亳字摩滅容或爲宅壁內
之書安國先得始肯作亂其字與治不類無緣誤作
始字知東哲不見壁內之書安爲說耳若泗水南有

殷墟或當餘王居之非盤庚也盤庚治於亳殷紂滅
在於朝歌則盤庚以後遷於河北蓋盤庚後王有德
河自亳地遷於洹水之南後又遷于朝歌○胥相
至怨上○正義曰釋詁云胥皆也相亦是皆義故通
訓胥爲相也民不欲徙乃咨嗟憂愁相與怨上經云
民不適有居是怨上之事也仲丁祖乙亦是遷都序
無民怨之言此獨有怨者盤庚祖乙之曾孫也祖乙
遷都於此至今多歷年世民居已久戀舊情深前王
三徙諾令則行曉喻之易故無此言此則民怨之深
故序獨有此事彼各一篇而此獨三篇者謂民怨上
故勸誘之難也民不欲遷而盤庚必遷者鄭玄云祖
乙居取後奢侈踰禮土地迫近山川嘗圯焉至陽甲
立盤庚爲之臣乃謀徙居湯舊都大序注云民居耿
久奢淫成俗故不樂徙王肅云自祖乙五世至盤庚
元兄陽甲宮室奢侈下民邑居墜隘水泉瀉鹵不可
以行政化故徙都於殷皇甫謐云耿在河北迫近山
川自祖辛已來民皆奢侈故盤庚遷於殷此三者之
說皆言奢侈鄭玄旣言君奢又言民奢王肅專謂君

奢皇甫謐專謂民奢言君奢者以天子宮室奢侈侵奪下民言民奢者以豪民室宇過度逼迫貧乏皆為細民弱劣無所容居欲遷都改制以寬之富民戀舊故違上意不欲遷也案論孔傳無奢侈之語惟下篇云今我民用蕩析離居罔有定極傳云水泉沉溺故蕩析離居無安定之極徙以為之極孔意蓋以地勢洿下又久居水變水泉瀉鹵不可行化故欲遷都必為奢侈也此以君名各篇必是為君時事而鄭玄以為上篇是盤庚為臣時事何得專輒謬妄也

盤庚

馬云祖乙曾孫

盤庚殷王名殷質以名篇

馬云祖乙曾孫

祖丁之子不言盤庚詰何非但錄其
 詰也取其徙而立功故以盤庚名篇
 此三篇皆以民不樂遷開解民意告以不遷之
 害遷都之善也中上二篇未遷時事下篇既遷
 後事上篇人皆怨上初啓民心故其辭尤切中
 篇民已少悟故其辭稍緩下篇民既從遷故辭

復益緩哀十一年左傳引此篇云盤庚之詰則
 此篇皆詰辭也題篇不曰盤庚詰者王肅云取
 其徙而立功故但以盤庚名篇然仲丁祖乙河
 宜甲等皆以王名篇則是史意與耳未必見他
 義○
 時作故桓六年左傳云周人以諱事神殷時質
 未諱君名故以王名各篇也上仲丁祖乙亦是
 王名於此始作傳者以上篇經亡此經稱盤庚
 故就此解之史記殷本紀云盤庚崩弟小辛立
 殷復衰百姓思盤庚乃作盤庚三篇與此序違
 非也鄭玄云盤庚湯十世孫祖乙之曾孫以五
 遷繼湯篇次祖乙故繼之于上累之祖乙為湯
 玄孫七世也又加祖乙復其祖父通盤庚故十
 世本紀云祖乙崩子祖辛立崩子開甲立崩弟
 祖丁立崩開甲之子南庚立崩祖丁子陽甲立
 崩弟盤庚立是祖乙生祖辛祖辛生祖丁祖丁
 生盤庚故
 為曾孫

盤庚遷于殷傳毫之别名民不適有居傳適之也不欲

之殷有邑居率籲衆感出矢言傳籲和也率和衆憂

之人出正直之言傳籲音喻傳曰我王來既爰宅于茲

傳我王祖乙居耿爰於也言祖乙已居於此重我民

無盡劉傳劉殺也所以遷此重我民無欲盡殺故盡

子忍不能胥匡以生卜稽曰其如台傳言民不能相

匡以生則當卜考於龜以徙曰其如我所行傳稽工

怡先王有服恪謹天命茲猶不常寧傳先王有所服

行敬謹天命如此尚不常安有可遷輒遷傳恪苦不

各反

常厥邑于今五邦傳湯遷毫仲丁遷囂河亶甲居相

祖乙居取我往居毫凡五徙國都傳馬云五邦謂商

丘毫囂相耿也

今不承于古罔知天之斷命傳今不承古而徙是無

知大將斷絕汝命傳斷又矧曰其克從先王之烈傳

天將絕命尚無知之況能從先王之業乎傳從才若

顛木之有由藥傳言今往遷都更求昌盛如顛木之

木有用生藥哉傳藥五達反本又作枿馬云顛木

其永我命于茲新邑傳言天其長我命於此新邑不

可不從紹復先王之大業底綏四方傳言我徙欲如

此履反。○底之。盤庚至四方。正義曰：盤庚欲遷於亳，莫不憂愁，相與怨上。盤庚率領和諧，其眾憂之人出，正值之言以曉告曰：我先王初居此者，從舊都來，於是宅於此地，所以遷於此者，為重我民，無欲盡殺故。先王以久居墊隘，不遷則死，見下民不能相匡，正以生故謀而來徙，以徙為善，未敢專決。又考卜於龜，以徙既獲吉兆，乃曰：其如我所行，欲徙之吉。先王成湯以來，凡有所服，行敬順天命，如此尚不常安，可徙則徙，不常其邑於今五邦矣。今若不承於古，徙以避害，則是無知。天將斷絕汝命矣。天將絕命，尚不能知，況曰其能從先王之基業乎？今我往遷都，更求昌盛，若顛仆之木，有用生藥，哉人衰更求盛，猶木死生藥，哉我今遷向新都，上天其必長我殷之土命於此新邑。繼復先王之業，致行其道，以安四方之人。我徙欲如此耳。汝等何以不願徙乎？剛云：若不徙，以避害，則天將絕汝命，謂絕臣民之命。亦絕我殷王之命。復云：若遷往新都，天其長我殷之命。王命明亦長臣民之命。

命互文也。○亳之別名。○正義曰：此序先亳後殷，亳是大名，殷是亳內之別名。鄭玄云：商家自徙此而號曰殷，鄭以此前未有殷名也。中篇云：殷降大虐，將遷於殷，先正其號名。知於此號為殷也。雖兼號為殷，而商名不改，或稱殷，又有兼稱殷商。商頌云：商邑翼翼，捷彼殷武，是單稱之也。又大雅云：殷商之旅，谷汝翼。殷商是兼稱之也。亳是殷地大名，故殷社謂之亳社。其亳鄭玄以為偃師皇甫謐以為梁國穀熟縣，或云濟陰亳縣。說既不同，未知誰是。○適之至邑居。○正義曰：釋詁云：適之往也。俱訓為往，故適得為之。不欲往彼殷地，別有新邑居也。○顛和至之言。○正義曰：顛即裕也。是寬意，故為和也。憂則不和，感訓憂也。故率眾憂之人出，正直之言。詩云：其直如矢，言為正直之言。○我王至於此。○正義曰：孔以祖乙地於相地，遷都於耿。今盤庚自耿遷于殷，以我王為祖乙，此謂耿也。○劉殺至殺故。○正義曰：劉殺釋詁文，水泉鹹鹵不可行，化王化不行，殺民之道。先王所以去彼遷此者，重我民無欲盡殺故也。○言民

至所行。正義曰不徙所以不能相匡以生者謂水泉沉溺人民困苦不能以義相匡正以生又考卜於龜以徙周禮太卜大遷則貞龜是遷必卜也。先王至輒遷。正義曰下云于今五邦自湯以來數之則此言先王摠謂成湯至祖乙也先王有所服行也盤庚言行有典法言能敬順天命即是有所服行也盤庚言先王敬順天命如此尚不常安有可遷輒遷泥我不能敬順天命不遷民必死矣故不可不遷也。湯遷至國都。正義曰孔以盤庚意在必遷故通數我往居亳為五邦鄭王皆云湯自商徙亳數商亳相耿為五計湯既遷亳始建王業此言先王遷都不得遠數居亳之前充此數也。言今至藥哉。正義曰釋詁云枿餘也李巡曰枿枿木之餘也郭璞云晉衛之問曰枿是言木死顛仆其根更生藥哉此都毀壞若枯死之木若棄去毀壞之邑更生藥哉。盤庚敷于民由得昌盛猶顛仆枯死之木用生藥哉。盤庚敷于民由乃在位以常舊服正法度。敷教也教人使用汝在

位之命用常故事正其法度。如字度如字。曰無或

敢伏小人之攸箴。言無有敢伏絕小人之所以欲箴

規上者戒朝臣。箴也朝直還反。盤庚至攸箴。言遷意今復並戒臣民盤庚先教於民云汝等當用汝在位之命用舊常故事正其法度欲令民徙從其

臣言也民從上命即是常事法度也。又戒臣曰汝等無有敢伏絕小人之所以欲箴規上者。敷教至朝

臣。正義曰文王世子云小樂正敷于大胥贊之。師敷戈籥師丞贊之彼並是教舞于戈如敷為教也

小民等患水泉沉溺欲箴規上而徙汝臣下勿抑塞伏絕之鄭玄云奢侈之俗小民咸苦之欲言於王今

將屬民而詢焉。王命眾悉至于庭。眾羣臣以下

故勅以無伏之。眾羣臣以下。正義曰周禮小司寇掌外朝之政以致萬民而詢焉。一曰詢國危二曰詢國遷三曰詢

立君是國將大遷必訓及於萬民故知衆悉至王庭是羣臣以下謂及下民也民不欲徙由臣不助王勸民故以下多是責臣之辭

王若曰格汝衆予告汝訓傳告汝以法

教汝猷黜乃心無傲從康傳謀退汝違上之心無傲

慢從心所安傳古我先王亦惟圖任舊人共政

傳先王謀任久老成人共治其政傳任而傳先王

傳曰此篇所言先王其文無指斥者皆謂成湯以來諸賢王也下言神后高后者指謂湯耳下篇言古我先王適于山者乃謂遷都之王仲丁祖乙之等也此言先王謂先世賢王此既言先王下句王播告之王用不欽蒙上之先

王播告之修不匿厥指傳王布告人

以所脩之政不匿其指傳播波餓反傳王布至其

上句言先王用舊人共政下云王播告之修當謂告臣耳傳言布告人者以下云民用丕變是必告臣亦又告王用丕欽罔有逸言民用丕變傳王用大敬其

政教無有逸豫之言民用大變從化今汝聒聒起信

險膚予弗知乃所訟傳聒聒無知之貌起信險偽膚

受之言我不知汝所訟言何謂傳聒古活反馬及說

意傳聒聒至何謂傳正義曰鄭玄云聒讀如聒耳

之意也此傳以聒聒爲無知之貌以聒聒是多言亂人之意也起信險膚者言發起所行專信此險偽膚受

淺近之言信此浮言妄有爭訟我非予自荒茲德惟

汝舍德不惕予一人予若觀火傳我之欲徙非廢此

德汝不從我命所含惡德但不畏懼我耳我視汝情

如視火○湯他非予至觀火○正義曰言先王敬

從非我自廢此不欽之德惟汝之所舍德甚惡不畏

懼我一人故耳汝舍藏此意謂我不知我見汝情若

觀火言見之分予亦拙謀作乃逸○逸過也我不威

脅汝從是我拙謀成汝過○拙之逸過至汝過

釋言文我若以威加汝汝自不敢不遷則無違上之

過也我不威脅汝從乃是我亦拙謀作成汝過也恨

而不從已也若網在綱有條而不紊若農服田力穡

乃亦有秋○紊亂也穡耕稼也下之順上當如網在

綱各有條理而不亂也農勤穡則有秋下承上則有

福○紊音問故為亂也稼穡相對則種之曰稼斂

之曰穡穡是秋收之名得為耕獲總稱汝克黜乃心

故云穡耕稼下承上則有福福謂祿賞汝克黜乃心

施實德于民至于婚友不乃敢大言汝有積德○汝

羣臣能退汝違上之心施實德於民至于婚姻僚友

則我大乃敢言汝有積德之臣乃不畏戎毒于遠邇

惰農自安不昏作勞不厭田畝越其罔有黍稷○戎

大昏強越於也言不欲從則是不畏大毒於遠近如

怠惰之農苟自安逸不強作勞於田畝則黍稷無所

有○昏馬同本或作昏音敏爾雅昏昏皆訓強戎

故兩存越本又作粵音曰于也強其兩反○戎

大至所有。正義曰：戎大昏強越於皆釋，詰文孫炎曰：昏風夜之強也。書曰：不昏作勞，引此解彼，是亦讀此為昏也。鄭玄讀昏為昏，訓為勉也。與孔不同。傳云：言不欲徙，則是不畏大毒於遠近，其意言不徙，則有毒，毒為禍患也。遠近謂賒促，言害至有早晚也。不強於作勞，則黍稷無所獲，以喻不遷於新邑，則福祿無所有也。此經情農，弗昏無黍稷對上服田力穡，乃亦有秋，但其文有詳略耳。

于百姓惟汝自生毒 傳責公卿不能和喻百官是自

生毒害 傳責公至毒害。正義曰：此篇上下皆言

既，是百官和吉言者，又在百官之上，知此經是責公卿不能和喻善言於百官使之樂遷也。不和百官必將遇禍，是公卿自生毒害。乃敗禍茲究以自災于厥身 傳言汝不相率共徙，是為敗禍茲究以自災之道。 音軌乃既先

惡于民乃奉其恫汝悔身何及 傳羣臣不欲徙是此

惡於民恫痛也不徙則禍毒在汝身徙奉持所痛而

悔之則於身無所及 傳奉孚勇反注同恫 傳羣臣

○正義曰：羣臣是民之師長當倡民為善羣臣亦不欲徙是乃先惡於民也恫痛釋言文 **相時儉**

民猶胥顧于箴言其發有逸口矧予制乃短長之命

傳言儉利小民尚相顧於箴誨恐其發動有過口之

患況我制汝死生之命而汝不相教從我是不若小

民 傳相時上息亮反馬云視也徐息羊反儉息 傳汝曷

廉反馬云儉利小小見事之人也徐七漸反 **弟告朕而胥動以浮言恐沈于眾** 傳曷何也責其不

以情告上而相恐動以浮言不徙恐汝沈溺於衆有

禍害○曷何未反若火之燎于原不可嚮邇其猶可撲滅

傳火炎不可嚮近尚可撲滅浮言不可信用尚可刑

戮絕之○燎力召反又力鳥反又力紹反則惟汝衆

自作弗靖非予有咎**傳**我刑戮汝非我咎也靖謀也

是汝自爲非謀所致○相時至有咎○正義曰又責

民我視彼愉利小民猶尙相顧於箴規之言恐其發

舉有過口之患故以言相規患之小者尙知畏避况

我爲天子制汝短長之命威恩甚大汝不相教從我

乃是汝不如小民汝若不欲徙何以不情告我而輒

相恐動以浮華之言乃語民云國不可徙我恐汝自

反沈溺於衆人而身破刑戮之禍害此浮言流行若

似火之燎於原野炎熾不可嚮近其猶可撲之使滅

以喻浮言不可止息尙可刑戮使絕也若以刑戮加

汝則是汝衆自爲非謀所致此耳非我有咎過也。

傳曷何至禍害。正義曰曷何同音故曷爲何也顧

氏云汝以浮言恐動不徙更是無益我恐汝自取沈

溺於衆人不免禍害也。**傳**我刑至所致。正義曰

我刑戮汝汝自招之非我咎也靖謀釋詁文告民不

徙者非善謀也由此而被刑戮是汝自爲非謀所致

也。**遲任有言曰人惟求舊器非求舊惟新****傳**遲任古

賢言人貴舊器貴新汝不徙是不貴舊○遲直疑反徐持夷反任

而令反馬云**古我先王暨乃祖乃父胥及逸勤予敢**

動用非罰**傳**言古之君臣相與同勞逸予孫所宜法

嘗為大春夏物未成可薦者少故禘祫為小也知烝嘗有功臣與祭者案周禮司勳詔之是也嘗是烝之類而王之大常祭於大烝司勳詔之是也嘗是烝之類而傳以嘗配之魯頌曰秋而載嘗是也祭統云內祭則大嘗禘是也外祭則郊社是也然彼以祫為大嘗知此不以烝嘗時為禘祫而直據時祭者以殷祫於三時非獨烝嘗也秋冬之祭尚及功臣則禘祫可知惟春夏不可耳以物未成故也近代已來惟禘祫乃祭功臣配食時祭不及之也近代已來功臣配食各配所事之君若所事之君其廟已毀時祭不祭毀廟其君尚不時祭其臣固當止矣禘祫則毀廟之主亦在焉其時功臣亦當在也王制云禘祫祫祫祫祫祫祫祫諸侯禘祫禘一祫一祫嘗祫烝祫此王制之文夏殷之制天子春惟時祭其夏秋冬既為祫又為時祭諸侯亦春為時祭夏惟作祫不作祭秋冬先作時祭而後祫周則春曰祠夏曰禘三年一祫在秋五年一祫在夏故公羊傳云五年再殷祭禮緯云三年一祫祫五年一祫此是鄭氏之義未知孔意如何

予告

汝于難若射之有志

告汝行事之難當如射之有所準志必中所志乃善

○射食夜反準音准中竹仲反

○予告至有

○正義

曰既言作福作災由人行善惡故復教臣行善我

告汝於行事之難猶如射之有所準志志之所主欲

得中也必中所志乃為善耳以喻人將有行豫思念

之行得其道為善耳其意言遷都是善道當念從我

言也。○告汝至乃善。○正義曰此傳惟順經文不

言喻意鄭玄云我告汝於我心至難矣夫射者張弓

屬矢而志在所射必中然後發之為政之道汝無侮

亦如是也以已心度之可施於彼然後出之

老成人無弱孤有幼不用老成人之言是侮老之

不徙則孤幼受害是弱易之。○侮亡甫反。○不用

○正義曰弱謂見其年老謂其無所復知弱謂見其幼弱謂其未有所識鄭云老弱皆輕忽之意也老成

尚書疏

卷之七 十二

及古

人之言云可徒不用其言是侮老之也不徒則水各泉鹹鹵孤幼受害不念其害則是卑弱輕易之也

長于厥居勉出乃力聽予一人之作猷傳盤庚勅臣

下各思長於其居勉盡心出力聽從遷徙之謀○長竹丈

反○傳盤庚至之謀。正義曰於時羣臣難毀其居

為此心盤庚勅臣下各思長久於其居處勉強無有

盡心出力聽從我遷徙之謀自此已下皆是也無有

遠邇用罪伐厥死用德彰厥善傳言遠近待之如一

罪以懲之使勿犯伐去其死道德以明之使勸慕競

為善○去起無有至厥善。正義曰此即遷徙之

之與近必當待之如一用刑殺之罪伐去其死道用

照察之德彰明其行善有過罪以懲之使民不犯非

法死刑不用是伐去其死道伐若伐樹然言止而不

復行用也有善者人主以照察之德加賞祿以明之

使競慕為善是彰其善也此二句相對上言用刑下言賞

厥死下宜言用賞彰厥生不然者上言用刑下言賞

善死是刑之重者舉重故言死有善乃可賞故言彰

厥善行賞是德故以德言賞人生是常無善亦生不

得言彰厥傳有善則眾臣之功○徐子

反邦之不臧惟予一人有佚罰傳佚失也是已失政

之罰罪已之義音逸凡爾眾其惟致告傳致我誠告

汝眾自今至于後日各恭爾事齊乃位度乃口傳奉

其職事正齊其位以法度居汝口勿浮言○度徐如

傳度乃口。正義曰度法度也。罰及爾身弗可悔傳

不從我謀罰及汝身雖悔可及乎

盤庚中第十

商書

盤庚作惟涉河以民遷傳為北南渡河之法用民徙乃

話民之弗率誕告用亶其有衆傳話善言民不循教

發善言大告用誠於衆傳誕徐音但亶丁但反馬本作

單音同誠也咸造勿褻在王庭傳造至也衆皆至王庭無

褻慢傳早友云為也褻息烈反盤庚乃登進厥民傳升

進命使前傳盤庚至厥民傳正義曰盤庚於時見都

用民徙乃出善言以告曉民之不循教者大為教告

用誠心於其所有之衆人於時衆人皆至無有褻慢

之人盡在於王庭盤庚乃升進其民延之使前而衆

告之史敘其事以為盤庚發誥之目傳為此至民

徙傳正義曰鄭玄云作渡河之具傳蕭云為此思南

渡河之事此傳言南渡河之法皆謂造舟船渡河之

具是濟水先後之次思其事而為之法也傳話善

至於衆傳正義曰釋詁云話言也孫炎曰話善人之

言也王苦民不從教必發善言告之故曰明聽朕言

無荒失朕命傳荒廢嗚呼古我前后罔不惟民之承

言我先世賢君無不承安民而恤之保后胥感鮮

以不浮于天時傳民亦安君之政相與憂行君令浮

亦至天時。正義曰：以君承安民而憂之，故民亦安。君之政相與憂，行君令使君令必行，責時羣臣不憂。行君令也。舟船浮水而行，故以浮為行。殷降大虐，先也。行天時也。順時布政，若月令之為也。

王不懷 傳 我殷家於天降大災，則先王不思故居而

行徙 傳 我殷至行徙。正義曰：遷都者止為邑居。墊隘水泉鹹鹵，非為避天災也。此傳以虐為

災，懷為思言。殷家於天降大災，則先王不思故居而

行徙者，以天時人事終是相將，邑居不可行，化必將

天降之災，上云不能相匡以生。厥攸作，視民利用遷

傳 其所為視民有利，則用徙。汝曷弗念我古后之聞

傳 古后先王之聞謂遷事。易何末。承汝俾汝惟喜

康共非汝有咎比于罰 傳 今我法先王惟民之承故

承汝使汝徙，惟與汝共喜安，非謂汝有惡。徙汝令比

近於殃罰。 傳 俾必爾反咎其九反，比毗志反，徐扶志

之。 傳 承汝至于罰。正義曰：先王為政，惟民之承，今

近 傳 我亦法先王故，承安汝使汝徙，惟歡喜安樂，皆

與汝共之，非謂汝有咎惡。予若籲懷茲新邑，亦惟汝

而徙汝令比近於殃罰也。 **故以丕從厥志** 傳 言我順和懷此新邑，欲利汝眾，故

大從其志而徙之。 傳 籲羊。予若至厥志。正義曰：正

協汝眾歸懷此新邑者，非直為我王家亦惟利。 **將試以汝遷安定厥邦** 傳 試用汝不憂朕心之攸困

傳 所困不順上命，乃威大不宣，乃心欽念，以忱動予。

一人傳汝皆大不布腹心敬念以誠感動我是汝不

盡忠林反爾惟自鞠自苦傳鞠窮也言汝為臣不

忠自取窮苦六反若乘舟汝弗濟臭厥載傳言不

徙之害如舟在水中流不渡臭敗其所載物天售反

載如字又疏臭厥載。正義曰臭是氣之別名古者

在代反疏香氣穢氣皆名為臭易云其臭如蘭謂

謂穢氣也肉敗則臭故以臭為爾忱不屬惟胥以沈

不其或稽自怒曷瘳傳汝忠誠不屬逮古苟不欲徙

相與沈溺不考之先王禍至自怒何瘳差乎屬音

馬云獨也沈直疏爾忱至曷瘳。正義曰盤庚責其

林反瘳勑留反疏臣民汝等不用徙者由汝忠誠不

能屬逮於古賢苟不欲徙惟相與沈溺於眾不欲徙

之言不其有考驗於先王遷徙之事汝既不考於古

及其禍至乃自忿汝不謀長以思乃災汝誕勸憂傳

汝不謀長久之計思汝不徙之災苟不欲徙是大勸

憂之道疏汝誕勸憂。正義曰凡人以善自勸則善

來眾是自勸勵今其有今罔後汝何生在上傳言不

以憂愁之道疏今其有今罔後汝何生在上。今其至

徙無後計汝何得久生在人上禍將及汝疏今其至

正義曰顧氏云責羣臣汝今日其且有今目前之小

利無後日久長之計患禍將至汝何得久生在民上

也今予命汝一無起穢以自臭傳我一心命汝汝違

我是自臭敗○穢於廢反命汝是我之一心也汝當從

汝違我命是起穢以自臭也恐人倚乃身迂乃心

言汝既不欲徙又為他人所誤倚曲迂僻○倚於綺反徐於奇

反迂音于○恐人至乃心○正義曰言汝心既不欲

僻匹亦反徙旁人或更誤汝我又恐他人倚曲汝

身迂僻汝心使汝益不用徙也○言汝至迂僻

正義曰人心不能自決則好用非理之謀言汝既不

欲遷徙又為他人所誤盤庚疑其被誤故言此也以

物倚物者必曲故倚為曲也迂是迴也迴行必僻故

迂為僻也予迂續乃命于天子豈汝威用奉畜汝眾

迎也言我徙欲迎續汝命于天豈以威脅汝乎用奉

畜養汝眾○迂五駕反畜許竹反下同脅虛業反

○迂迎至汝眾○正義曰迂迎釋詁

文不遷必將死矣天欲遷以延命天意向汝我欲迎

之天斷汝命我欲續之我今徙者欲迎續汝命於天

豈以威脅汝乎遷都惟予念我先神后之勞爾先予

用奉養汝眾臣民耳

丕克羞爾用懷爾然○言我亦法湯大能進勞汝以

義懷汝心而汝違我是汝反先人○勞力報反予

至爾然○正義曰我念我先世神后之君成湯愛勞

汝之先人故我大能進用汝與汝爵位用以道義德

懷安汝心耳然汝乃違我念是汝反先人也○言

我至先人○正義曰易稱神者妙萬物而為言也殷

之臣其祖於成湯之世已在朝廷世失于政陳于茲

仕王朝而不用已命故責之深也

高后丕乃崇降罪疾曰曷虐朕民崇重也今既失

政而陳久於此而不徙湯必大重下罪疾於我曰何

為虐我民而不徙乎重直勇反汝萬民乃不生生

賢子一人猷同心不進進謀同心徙先后丕降與

汝罪疾曰曷不暨朕幼孫有比言非但罪我亦將

罪汝幼孫盤庚自謂比同心故有爽德自上其罰汝

汝罔能迪湯有明德在天見汝情下罰汝汝無能

道言無辭失于至能迪。正義曰盤庚以民不願

遷言神后將罪汝欲懼之使徙已也我

所以必須徙者我今失於政教陳久於此民將有害

高德之君成湯必忿我不徙大乃重下罪疾於我曰

何為殘虐我民而不徙乎我既欲徙而汝與萬民乃

不進進與我一人謀計同心則我先君成湯大下與

汝罪疾曰何故不與我幼孫盤庚有相親比同心徙

乎汝不與我同心故湯有明德從上見汝之情其下

罪罰於汝汝實有罪無所能道言無辭以自解說也

崇重至徙乎。正義曰崇重釋詁文又云塵久

也孫炎曰陳居之久久則生塵矣古者塵陳同也故

陳為久之義。不進至心徙。正義曰物之生長

則必漸進故以生生為進進王肅亦然進進是同心

願樂之意也此寔責羣臣而言汝萬民者民心亦然

因博及之。湯有至無辭。正義曰訓爽為明言

其見下故稱明德詩稱三后在天死者精神在天故

言下古我先后既勞乃祖乃父勞之共治人汝共

見汝

作我畜民汝有戕則在乃心戕殘也汝共我治民

有殘人之心而不欲徒是反父祖之行。○我反在良反

下孟我先后綏乃祖乃父乃祖乃父乃斷棄汝不救

乃死。○言我先王安汝父祖之忠今汝不忠汝父祖

必斷絕棄汝命不救汝死。○斷丁古我至乃死。○正義曰又責羣

臣古我先君成湯既愛勞汝祖汝父與之共治民矣

汝今共為我養民之官是我於汝與先君同也而汝

有殘虐民之心非我命汝如此則在汝心自為此惡

是汝反祖父之行雖汝祖父亦不祐汝我先君安汝

祖汝父之忠汝祖汝父忠於先君必忿汝違我乃斷

絕棄汝命不救汝死也。○勞之共治人。○正義曰下

湯罪汝不救汝死也。○勞之共治人。○正義曰下

句責臣之身云汝共作我畜民明先后勞其祖父是

勞之共治民也。○我殘至之行。○正義曰春秋宣

十八年邾人戕郈子左傳云凡自虐其君曰戕自外

與共治民汝祖父必有愛人之心作訓為也汝今共

為我養民之官而有殘民之心而不用徒以避害是

汝反祖父之行盤庚距湯年世多矣臣父不及湯世

而云父者與茲予有亂政同位具乃貝玉。○亂治也

此我有治政之臣同位於父祖不念盡忠但念貝玉

而已言其貪。治直吏反。乃祖乃父不乃告我高后

曰作丕刑于朕孫。○言汝父祖見汝貪而不忠必大

乃告湯曰作大刑於我子孫求討不忠之罪。告工

高后本又作迪高后丕乃崇降弗祥。○言汝父祖開

乃祖乃父道湯大重下不善以罰汝陳忠孝之義以督之。○茲

至弗祥。正義曰：又責臣云：汝祖父非徒不救汝死，乃更請與汝罪於此。我有治政之臣，同位於其父祖，其位與父祖同心，與父祖異，不念忠誠，但念其汝，其玉而已，言其貪而不忠也。汝先祖先父以汝如此大，乃告我高后曰：為大刑於我子孫，以此言開道我高后，故我高后大乃下不善之殃，以罰汝成湯與汝祖父，皆欲罪汝，汝何以不從我徙乎？
傳亂治至其言。○正義曰：亂治釋詁文舍人曰：亂義之治也。孫炎曰：亂治之理也。大臣理國之政，此者所責之人，故言於此。我有治政之臣，言其同位於父祖，責其位同而心異也。貝者水蟲，古人取其甲以為貨，如今之用錢，然漢書食貨志具有其事，貝是行用之貨也。貝玉是物之最貴者，責其貪財，故舉二物以言之。當時之臣不念盡忠於君，但念貝玉而已，言其貪也。
傳言汝至之罪。○正義曰：上句言成湯罪，此諸臣其祖父不救子孫之死，此句言臣之祖父請成湯討其子孫，以不從已故責之，益深先祖請討非盤庚所知，原神之意而為之辭，以懼其子孫耳。
傳言汝至督之。○正

義曰：訓迪為道，言汝父祖開道，湯也不從，君為不忠，違父祖為不孝。父祖開道，湯下罰欲使從，君順祖陳忠孝之義，嗚呼！今予告汝不易。
傳凡所言皆不易之

事。易以或反注同。永敬大恤，無胥絕遠。
傳長敬我言，大憂

行之，無相與絕，遠棄廢之。
傳遠于萬反，汝分猷念以

相從，各設中于乃心。
傳羣臣當分明相與謀念，和以

相從，各設中正於汝心。
傳分扶問反，乃有不吉不迪

傳不善不道，謂凶人顛越不恭，暫遇姦宄。
傳顛隕越

墜也不恭，不奉上命，暫遇人而劫奪之，為姦於外，為

宄於內。
傳暫才淡反，我乃劓殄滅之，無遺育，無俾易

種于茲新邑傳剽割育長也言不吉之人當割絕滅

之無遺長其類無使易種於此新邑○剽魚器反徐吾氣反殄徒典

反易如字又以豉反注同長竹文反下遺長同往哉生生今予將試以汝遷

永建乃家傳自今以往進進於善我乃以汝徙長立

汝家卿大夫稱家○義曰盤庚以

而嘆之今我告汝皆不易之事言其難也事既不易

當長敬我言大憂行之無相絕遠棄廢之必須存心

奉行汝羣臣當分輩相與計謀念和協以相從各設

中正于汝心勿為殘害之事汝羣臣若有不善不道

隕墜禮法不恭上命暫逢遇人即為茲宄而劫奪之

我乃割絕滅之無有遺餘生長所以然者欲無使易

其種類於此新邑故耳自今以往哉汝當進進於善

今我將用以汝遷長立汝使汝在位傳諸子孫勿得

違我言也○傳不易之事○正義曰此易讀為難易

之易不易言其難也王肅云告汝以命之不易為難

鄭玄云我所以告汝者不變易言必行之謂盤庚自

道已言必不改易與孔異○傳顛隕至於內○正義

白釋詁云隕落隕墜顛越也是從上削下之言故以

顛為隕越是遺落為墜也左傳僖九年齊桓公云恐

隕越於下文十八年史克云弗敢失墜隕越遺落

廢失之意故以隕墜不恭為不奉上命也暫遇人而

劫奪之謂逢人即劫為之無已成十七年左傳曰亂

在外為茲在內為宄是劫奪之事故以劫奪解其茲

宄也○傳剽割至新邑○正義曰五刑截鼻為剽故

剽為割也育長釋詁文不吉之人當割絕滅之無遺

長其類謂早殺其人不使得子孫有此惡類也易種

者即今俗語云相染易也惡種在善人之中則善人

齊使潔清○傳自今至稱家○正義曰長立汝家謂

賜之以族使子孫不絕左傳所謂諸侯命氏是也王

齊使潔清○傳自今至稱家○正義曰長立汝家謂

賜之以族使子孫不絕左傳所謂諸侯命氏是也王

齊使潔清○傳自今至稱家○正義曰長立汝家謂

朝大夫天子亦命之
氏故云立汝家也

盤庚下第十一

商書

盤庚既遷奠厥攸居乃正厥位傳定其所居正郊廟朝

社之位奠田薦反
朝直遯反綏爰有眾曰無戲怠懋建大命

傳安於有眾戒無戲怠勉立大教今予其敷心腹腎

腸歷告爾百姓于朕志傳布心腹言輸誠於百官以

告志腎時忍反
腸徐持良反罔罪爾眾爾無共怒協比讒言予

一人傳羣臣前有此過故禁其後今我不罪汝汝勿

共怒我合比凶人而妄言比毗志反
讒仕咸反盤庚至一

曰盤庚既遷至般地定其國都處所乃正其郊廟朝

社之位又屬民而聚之安慰於其所有之眾曰汝等

自今以後無得遊戲怠惰勉力立行教命今我其布

心腹腎腸輸寫誠信歷徧告汝百姓於我心志者欲

遷之日民臣共怒盤庚盤庚恐其怖懼故開解之今

我無復罪汝眾人我既不罪汝汝無得如前共為忿

怒協比讒言毀惡我一人怒其前愆與之更始也

傳定其至之位正義曰訓攸為所定其所居總謂

都城之內官府萬民之居處也鄭玄云徙主於民故

先定其里宅所處次乃正宗廟朝廷之位如鄭之意

奠厥攸居者止謂定民之居豈先令民居使足待其

餘剩之處然後建王宮乎若留地以擬王宮即是先

定王居不得為先定民矣孔惟言定其所居知是官

民之居並定之也禮郊在國外左祖右社而朝後市

正厥位謂正此郊廟朝社之位也傳安於至大教

○正義曰鄭玄云勉立我大命使心識教令常行之

王肅云勉立大教建性命致之五福又案下句爾無
 共怒予一人是恐其不從已命此句宜言我有敎命
 汝當勉力立之鄭說如孔旨也。○**傳**布心至告志。○
 正義曰此論心所欲言腹內之事耳以心為五臟之
 主腹為六腑之總腸在腹內腎在心下舉腎腸以配
 腹心詩曰公侯腹心宣十二年左傳云敢布腹心是
 腹心足以表內也。○**古我先王將多于前功****傳**言以遷徙
 腎腸配言之也。○**多大前人之功美適于山用降我凶德嘉績于朕邦**

傳徙必依山之險無城郭之勞下去凶惡之德立善
 功於我國。○降工巷反。○**今我民用蕩析離居罔有定**

極水泉沈溺故蕩析離居無安定之極徙以為之

極占我至定極。○正義曰言占者我之先王將欲
 多大於前人之功是故徙都而適於山險之處

極用下去我凶惡之德立善功於我新國但徙來已久
 水泉沈溺今我在此之民用播蕩分析離其居宅無
 有安定之極我今徙而使之得其中也說其遷都之
 意亦欲多大前人之功定民極也。○**傳**言以至功美

○正義曰古我先王謂遷都者前人謂未遷者前人
 久居舊邑民不能相匡以生則是居無功矣盤庚言
 先王以此遷徙故多大前人之功美故我今遷亦欲
 多前功矣。○**傳**徙必至我國。○正義曰先王至此五
 邦不能盡知其地所都皆近山故總稱適于山也易
 坎卦彖云王公設險以守其國徙必依山之險欲使
 下民無城郭之勞雖則近山不可全無城郭言其防
 守易耳徙必近山則舊處新居皆有山矣而云適于
 山者言其徙必依山不適平地不謂舊處無山故徙
 就山也水泉鹹鹵民居墊隘時君不為之徙即是凶
 惡之德其徙者是下去凶惡之德立善功於我新遷
 之國也言下者凶德在身下而墜去之。○**傳**水泉至
 之極。○正義曰民居積世穿掘處多則水泉盈溢令
 入沈深而陷溺其處不可安居播蕩分析離其居宅

尚書疏 卷之九 洪武

無安定之極極訓中也詩云立我烝民莫匪爾極言民賴后稷之功莫不得其中今為民失中故徒以為之中爾謂朕曷震動萬民以遷言皆不明已本心

肆上帝將復我高祖之德亂越我家以徙故天將

復湯德治理於我家治直朕及篤敬恭承民命用

永地于新邑傳言我當與厚敬之臣奉承民命用長

居新邑肆予冲人非廢厥謀予由靈傳冲童童人謙

也弔至靈善也非廢謂動謀於眾至用其善弔音的或如

字各非敢違卜用宏茲賁傳宏賁皆大也君臣用謀

不敢違卜用大此遷都大業賁扶爾謂至茲賁云反正義曰言

我徙以為民立中汝等不明我心乃謂我何故震動萬民以為此遷我以此遷之故上天將復我高祖成湯之德治理於我家我當與厚敬之臣奉承民命用是長居於此新邑以此須遷之故我童蒙之人非敢廢其詢謀謀於眾人眾謀不同至用其善者言善謀者皆欲遷都也又決之於龜卜而得吉我與汝羣臣各非敢違卜用是必遷光大此遷都之大業我徙本意如此耳傳以徙至我家正義曰民害不徙違失湯德以徙之故天必祐我將使復奉湯德令得治理於我家言由徙故天福之傳冲童至其善正義曰冲童聲相近皆是幼小之名自稱童人言已幼小無知故為謙也弔至靈善皆釋詰文禮將有大事必謀於眾謀眾乃是常理故言非廢謂動謀於眾言已不自守也眾謀必有異見故至極用其善者傳宏賁至大業正義曰宏賁皆大也釋詰文樊光曰周禮云其聲大而宏詩云有賁其首是宏賁皆為大之義也各者非一之辭故為君臣用謀不敢違卜洪範云汝則有大疑謀及卿士謀及卜筮言非敢違卜

尚書疏 卷之九 二十四

尚書疏 卷之九 漢書

是既謀及於衆又決於著龜也用嗚呼邦伯師長百

大此遷都大謂立嘉績以大之也

執事之人尚皆隱哉國伯二伯及州牧也衆長公

卿也言當庶幾相隱括共為善政長竹丈予其懋

簡相爾念敬我衆簡大相助也勉大助汝念敬我

衆民亮反朕不肩好貨敢恭生生鞠人謀人之保

居敘欽肩任也我不任貪貨之人敢奉用進進於

善者人之窮困能謀安其居者則我式序而敬之好

呼報反任嗚呼至敘欽。正義曰言遷事已訖故

而林反嘆而勅之嗚呼國之長伯及衆官之長

與百執事之人庶幾皆相與隱括共為善政哉我其

勉力大助汝等為善汝當思念愛敬我之衆民我不

任用好貨之人有人果敢奉用進進於善見窮困之

人能謀此窮困之人安居者我乃次序而敬用之。

國伯至善政。正義曰邦伯邦國之伯諸侯師長

故為東西二伯及九州之牧也鄭玄注禮記云殷之

州長曰伯虞夏及周皆曰牧此殷時而言牧者此乃

鄭之所約孔意不然故摠稱牧也帥訓為衆衆長衆

官之長故為三公六卿也其百執事謂大夫以下諸

有職事之官皆是也此摠勅衆臣故二伯已下及執

事之人皆戒之也釋言云庶幾尚也反覆相訓故尚

為庶幾庶幸也幾冀也隱謂隱審也幸冀相與隱審

檢括共為善政欲其同心共為善也隱括必是舊語

不知本出何書何休公羊序云隱括使就繩墨焉。

國簡大至衆民。正義曰簡大釋詰文又云相助慮

也俱訓為慮是相得為助也盤庚欲使羣臣同心為

善欲勉力大佐助之使皆念敬我衆民也。國肩任

至敬之。正義曰釋詰云肩勝也舍人曰肩強之勝

也強能勝重是堪任之義故為任也我今不委任貪

貨之人以恭為奉人有向善而心不決志故美其人

之善也

能果敢奉用進進於善者言其人好善不倦也鞠訓
 為窮鞠人謂窮困之人謀人之保居謂謀此窮人之
 安居若見人之窮困能謀安其居愛人而樂安存之
 者則我式序而敬之詩云式序在位言其用次序在
 官位也鄭王皆以鞠為養言能謀養人
 安其居者我則次序而敬之與孔不同 **今我既羞告**
爾于朕志若否罔有弗欽 **傳** 已進告汝之後順於汝

心與否當以情告我無敢有不敬 **報反** **無總于貨**

寶生生自庸 **傳** 無總貨寶以求位當進進皆自用功

德式敷民德永肩一心 **傳** 用布示民必以德義長任

一心以事君 **傳** 今我至一心。正義曰今我既進而

汝心以否當以情告我無得有不敬者汝等無得總
 於貨寶以求官位當進進自用功德不當用富也用

此布示於民必以德義長任一心以事君
 不得懷二意以遷都既定故殷勤以戒之

尚書註疏卷第十

漢孔氏傳

唐孔穎達疏

說命上第十二

尚書

高宗夢得說傳盤庚弟小乙子名武丁德高可尊故號

高宗夢得賢相其名曰說○說本又作兌音悅註及下篇同相息亮反下同

使百工營求諸野得諸傅巖傳使百官以所夢之形

象經營求之於外野得之於傅巖之谿作說命三篇

傳命說為相使攝政高宗至三篇正義曰殷之賢王有高宗者夢得賢相其

名曰說羣臣之內既無其人使百官以所夢之形象

經營求之於野外得之于傅氏之巖遂命以為相史

敘其事作說命三篇盤庚至曰說正義曰世

本云盤庚崩弟小辛立崩弟小乙立崩于武丁立是

武丁為盤庚弟小乙子也喪服四制云高宗者武丁

復起中而高之故謂之高宗是德高可尊故號高宗

也經云爰立作相王呼之曰說知其名曰說使

百官言之使百官以所夢之形象經營求於外野皇

甫溢云使百官寫其形象則謂工為工巧之人與孔

異也釋水云水注川曰谿李巡曰水出於山入於川

曰谿然則谿是水流之處巖是山崖之名序稱得諱

傳巖傳云得之於傅巖之谿以巖是總名故序言之

耳傳命說至攝政正義曰經稱爰立作

相是命為相也惟說命總百官是使攝位也

說命

傳始求得而命之

傳說命正義曰此三篇

命之中篇說既總百官戒王為政下篇王欲師說而學說報王為學之有益王又厲說以伊尹之功相對以成章史分序以為三篇也

王宅憂亮陰三祀

傳陰默也居憂信默三年不言亮

作諒如字王宅憂亮陰三祀正義曰言王居父

又力章反憂信任冢宰默正不言已三年矣三年

不言自是常事史錄此句於首者謂既免喪事可以

言而猶不言故述此以發端也陰默至不言

正義曰陰者幽闇之義默亦闇義故為默也易稱君

子之道或默或語則默者不言之謂也無逸傳云乃

有信然三年不言有此信既免喪其惟弗言除喪

默則信謂信任冢宰也

猶不言政羣臣咸諫于王曰嗚呼知之曰明哲明哲

實作則

傳知事則為明智明智則能制作法則

本又

作天子惟君萬邦百官承式

傳

天下待令百官仰法

王言惟作命不言臣下罔攸稟令

王庸作書以誥曰以台正于四方台恐德弗類茲故

弗言

傳

用臣下怪之故作誥類善也我正四方恐德

不善此故不言

誥故報反台音怡

恭默思道夢帝賚予良弼

其代予言

傳

夢天與我輔弼良佐將代我言政教

力代反徐音來

乃審厥象俾以形旁求于天下

傳

審所夢之

人刻其形象以四方旁求之於民間

俾必爾反

說築傳

巖之野惟肖

傳

傅氏之巖在虞號之界通道所經有

澗水壞道常使胥靡刑人築護此道說賢而隱代胥

靡築之以供食肖似所夢之形

肖音笑號寡白反壞音怪供音恭

傳

傅氏至之形。正義曰傅以傅為氏此巖以傅為名明巖傍有姓傅之民故云傅氏之巖也尸于

云傅巖在北海之洲傳言虞號之界孔必有所案據

而名言之也史記殷本紀云是時說為胥靡築於傅險

晉灼漢書音義云胥相也靡隨也古者相隨坐輕刑

之名言於時築傅險則以杵築地傅說賢人必身不

犯罪言其說為胥靡當是時代胥靡也傳云通道所

經有澗水壞道常使胥靡刑人築護此道說賢而隱

代胥靡築之以供食或亦有成文也殷本紀又云武

丁得說舉以為相遂令傅險姓之號曰傅說鄭云得

諸傳巖高宗因以傅命說為氏案序直言夢得說不

氏也皇甫謐云高宗夢天賜賢人胥靡之衣裳之而
 來曰云我徒也姓傅名說天下得我者豈徒也哉武
 丁悟而推之曰傅者相也說者權悅也天下當有傅
 我而說民者哉明以夢視百官百官皆非也乃使百
 工寫其形象求諸天下果見築者胥靡衣褐帶索執
 役于虞虢之間傅巖之野名說以其得之傅巖謂之
 傅說案謚言初夢即云姓傅名說又言得之傅巖謂
 之傅說其言自不相副謚惟見此書傅會為近世之
 語其言非 **爰立作相王置諸其左右** **傳**於是禮命立
 實事也

以為相使在左右命之曰朝夕納誨以輔台德 **傳**言
 當納諫誨直辭以輔我德 **傳** **朝張** **若金用汝作礪** **傳**
 逆反

鐵須礪以成利器 **傳** **礪力** **若濟巨川用汝作舟楫** **傳**
 世反 **若歲大旱用汝作霖雨** **傳**

澆大冰待舟楫 **傳** **徐音** **接** **若歲大旱用汝作霖雨** **傳**

霖三日雨霖以救旱 **傳** **霖三日雨** **傳** **正義曰隱九**
年左傳云凡雨自三日已往

為啓乃心沃朕心若藥弗瞑眩厥疾弗瘳 **傳** **開汝心**
 以沃我心如服藥必瞑眩極其病乃除欲其出切言

以自警 **傳** **瞑莫遍反眩玄遍反徐又呼縣** **啓乃至**
 反瞑眩困極也瘳勅留反警音景 **傳** **弗瘳** **傳**
 正義曰當開汝心所有以灌沃我心欲令以彼所見

教已未知故也其沃我心須切至若服藥不使人瞑
 眩憤亂則其疾不得瘳愈言藥毒乃得除病言切乃
 得去惑也 **傳** **開汝至自警** **傳** **正義曰瞑眩者令人**
 憤悶之意也方言云凡飲藥而毒東齊海岱間或謂

之瞑或謂之眩郭璞云瞑眩亦通語也然則藥之攻
 病先使人瞑眩憤亂病乃得瘳傳言瞑眩極者言悶
 極藥乃行也楚語稱衛武公作懿以自警懿即大雅

抑詩也切言出於傳 **若跣弗視地厥足用傷** **傳** **跣必**
 說據王以為自警也 **傳** **若跣弗視地厥足用傷** **傳** **跣必**
 尚書疏 卷之十一 四 及古

視地足乃無害言欲使為已視聽

○ 既先典反徐七顯反為于偽反

惟暨乃僚罔不同心以匡乃辟

與汝並官皆當倡

率無不同心以匡正汝君

○ 辟必亦反

俾率先王迪我高

后以康兆民

言匡正汝君使循先王之道蹈成湯

之蹤以安天下嗚呼欽予時命其惟有終傳敬我是

命修其職使有終說復于王曰惟木從繩則正后從

諫則聖

言木以繩直君以諫明后克聖臣不命其

承

君能受諫則臣不待命其承意而諫之疇敢不

祇若王之休命

言王如此誰敢不敬順王之美命

而諫者乎

說命中第十三

商書

惟說命總百官

在冢宰之任

傳說受王命總百官之職謂在冢宰之任也說以官高任重乃進言於王故史特標此句為發言之端也

乃進于王曰嗚呼明王奉若天道建邦設都傳天有

日月北斗五星二十八宿皆有尊卑相正之法言明

王奉順此道以立國設都

音秀

者天地其次君臣易繫辭云天垂象見吉凶聖人象之皆言人君法天以設官順天以致治也天有日月

尚書

卷之十一

及古閣

照臨晝夜猶王官宗伯率領諸侯也北斗環繞北極猶卿士之周衛天子也五星行於列宿猶州牧之省祭諸侯也二十八宿布於四方猶諸侯為天子守土也天象皆有尊卑相正之法言明王奉順天道以立國設都及諸侯國都總言建國立家之事

樹后王君 公承以大夫師長 **傳** 言立君臣上下將陳為治之本

故先舉其始 **傳** 王于方反長竹丈 **正義** 曰此又摠言設官分職之事也樹立也后王謂天子也君公謂諸侯也承者奉上之名后王君公人主也大夫師長人臣也臣當奉行君命故以承言之周禮立官多以師為名師者眾所法亦是長之義也大夫已下分職不同每官各有其長故以師長言之三公則君公之內包之卿則大夫之文兼之師長之言亦通有將陳為治之本故先舉其始略言設官故辭不詳備為治之本惟天聰明已下皆是也

不惟逸豫

惟以亂民 **傳** 不使有位者逸豫民上言立之主使治

民 **傳** 惟天聰明惟聖時憲惟臣欽若惟民從又

傳 憲法也言聖王法天以立教於下無不聞見除其所惡納之於善雖復運有推移道有升降其所施為

未嘗不法天也臣敬順而奉之奉即上文承也奉承

君命而布之於民民以從上為治不從上命則亂故

從又也 **傳** 惟口起羞惟甲冑起戎 **傳** 甲鏡冑兜

蓋也言不可輕教令易用兵 **傳** 冑直又反鏡若代反

以鼓 **傳** 惟衣裳在笥惟子戈省厥躬 **傳** 言服不可加非

反 **傳** 言服不可加非

其人兵不可任非其才○笥息嗣反省惟口至厥

曰言王者法天施化其舉止不可不慎惟口出令不

善以起羞辱惟甲冑伐非其罪以起戎兵言不可輕

教令易用兵也惟衣裳在篋笥不可加非其人觀其

能足稱職然後賜之惟干戈在府庫不可任非其才

省其身堪將帥然後授之上二句事相類下二句文

不同者衣裳言在篋笥干戈不言所在干戈云省厥

躬衣裳不言視其人令其互相足也○傳甲鏡至用

兵○正義曰經傳之無鏡與兜鍪蓋秦漢已來始有

此名傳以今曉古也古之甲冑皆用犀兕未有用鐵

者而鍪鏡之字皆從金蓋後世始用鐵甲口之出言

為教令甲冑與師乃用之言不可輕教令易用兵也

易亦輕也安危在出命令之不善則人為背之是起

羞也靜亂在用兵伐之無罪則人叛違之是起戎也

○傳言服至其十○正義曰非其人非其才義同而

互文也周禮大宗伯以九儀之命正邦國之位一命

受職再命受服三命受位四命受器五命賜則六命

命為正吏受職治職事也列國之士一命王之下士

亦一命再命受服受玄冕之服列國之大夫再命王

之中士亦再命然則再命已上始受衣服未賜之時

在官之篋笥也甲冑干戈俱是軍器上言不可

輕用兵此言不可妄委人雖文重而意異也

王惟

戒茲允茲克明乃罔不休傳言王戒慎此四惟之事

信能明政乃無不美惟治亂在庶官傳言所官得人

則治失人則亂官不及私昵惟其能傳不加私昵惟

能是官○昵女爵罔及惡德惟其賢傳言非賢不爵

乙反官不至其賢○正義曰王制云論定然後官之任

然則治其事謂之傳云官之使之試守也爵之命之也

言之異耳賢謂德行能謂才用治事必用能故官云

惟其能受位宜得賢故爵云惟其賢詩序云任賢使能周禮鄉大夫三年則大比考其德行道藝而與賢者能者鄭云賢者有德行者能者有道藝者是賢能為異耳私昵謂知其不可而用之惡德謂不知其非而任之戒王使審求人絕私好也

慮善以動動惟厥時傳非善非時不可動有其善喪厥善矜其能喪厥功傳雖天子亦

必讓以得之浪反傳有其至厥功正義曰人生則人

不以為善故實善而喪其善自誇其能則人不能為能故實能而喪其能由其自取故人不與之有

其善則伐善也舜美禹云汝惟不矜天下莫與汝爭能汝惟不伐天下莫與汝爭功是言惟而不有故名

反歸也**惟事事乃其有備有備無患**傳事事非一事無

之也**啓寵納侮**傳開寵非其人則納侮之道傳無啓寵納侮正義

曰君子位高益恭小人得寵則慢若寵小人則必恃寵慢主無得開小人以寵自納此輕侮也開謂君出

恩以寵臣納謂臣入慢以輕王**無恥過作非**傳恥過

據君而言開納以出入為文也傳恥過至大非正義曰仲

誤而文之遂成大非傳恥之美成湯云收過不吝明

小人有過皆惜而不收論語云小人之過也必文恥有過誤而更以言辭文飾之望人不覺其非彌甚故

遂成大非也**惟厥攸居政事惟醇**傳其所居行皆如所言

則王之政事醇粹醇音純**黷于祭祀時謂弗欽禮**

煩則亂事神則難傳祭不欲數數則黷黷則不敬事

神禮煩則亂而難行高宗之祀特豐數近廟故說因以戒之數色角反傳祭不至戒之正義曰祭

記祭義文也此一經皆言祭祀之事禮煩亦謂祭祀之煩故傳總云事神禮煩亂而難行孔以高宗彤日祖已訓諸王祀無豐于昵謂傳說此言為彼事而王發故云高宗之祀特豐數於近廟故說因而戒之

曰旨哉說乃言惟服傳旨美也美其所言皆可服行

乃不良于言予罔聞于行傳汝若不善於所言則我

無聞於所行之事說拜稽首曰非知之艱行之惟艱

傳言知之易行之艱以勉高宗王忱不艱允協于先

王成德傳王心誠不以行之為難則信合於先王成

德○忱市惟說不言有厥咎傳王能行善而說不言

則有其咎罪

說命下第十四

商書

王曰來汝說台小子舊學于甘盤傳學先王之道甘盤

殷賢臣有道德者○台王曰至甘盤○正義曰舊

君爽篇周公仰陳殷之賢臣云在武丁時則有若甘

盤然則甘盤於高宗之時有大功也上篇高宗免喪

不言即求傳說似得說時無賢臣矣蓋甘盤於小乙

之世以為大臣小乙將崩受遺輔政高宗之初得有

大功及高宗免喪甘盤已死故君爽傳曰高宗即位

甘盤佐之後有傳說是言傳說之前有甘盤也但下

句言既乃遜于荒野是學訖乃既乃遜于荒野入宅

遜非即位之初從甘盤學也

于河傳既學而中廢業遜居田野河洲也其父欲使

高宗知民之艱苦故使居民間○逐徒

義曰河是水名水不可居而云入宅于河知在河之

洲也釋水云中可居者曰洲初遊田野後入河洲

言其徙居無常也無逸云其在高宗時舊勞於外爰

也於時蓋未為太子殷道雖質自河徂亳暨厥終罔

不可既為太子更得與民雜居顯傳自河徂居亳與今其終故遂無顯明之德爾惟

訓于朕志傳言汝當教訓於我使我志通達若作酒

醴爾惟麴蘖傳酒醴須麴蘖以成亦言我須汝以成

○麴起六反若作和羹爾惟鹽梅傳鹽鹹梅醋羹須

鹹醋以和之○羹音庚一音衡鹽余廉反梅亦

作煤醋七故反和如字又胡臥反爾交

脩子罔子棄予惟克邁乃訓傳交非一之義邁行也

言我能行汝教傳交非至汝教○正義曰爾交脩

非一之義言交互教之非說曰王人求多聞時惟建

一事之義邁行釋詁文事學于古訓乃有獲傳王者求多聞以立事學於古

訓乃有所得事不師古以克永世匪說攸聞傳事不

法古訓而以能長世非說所聞言無是道惟學遜志

務時敏厥脩乃來傳學以順志務是敏疾其德之脩

乃來傳惟學至乃來○正義曰人志本欲求善欲學

來言務之既疾則允懷于茲道積于厥躬傳信懷此

學志則道積於其身惟教學半念終始典于學厥德

脩罔覺傳教教也教然後知所困是學之半終始常

念學則其德之脩無能自覺○教与反**疏**惟教至罔覺

人然後知困知困必將自強惟教人乃是學之半言

其功半於學也於學之法念終念始常在於學則其

德之脩漸漸進益無能自覺其進言日有所益不能自知也監于先王成憲其永

無愆傳愆過也視先王成法其長無過其惟學乎愆

起虔反惟說式克欽承旁招俊又列于庶位傳言王能

志學說亦用能敬承王志廣招俊又使列眾官○俊本又

作**王曰嗚呼說四海之內咸仰朕德時乃風**傳風教

也使天下皆仰我德是汝教○仰如字股肱惟人良

臣惟聖**傳**手足具乃成人有良臣乃成聖昔先正保

衡作我先王**傳**保衡伊尹也作起正長也言先世長

官之臣○長丁丈反下同**疏**保衡至之臣○正義曰保衡

為保衡言天下所取安所取平也鄭箋云阿倚衡平

也伊尹湯所依倚而取平也故以為官名又云太甲

時曰保衡鄭不見古文太甲云不惠于阿衡故此為

解孔所不用計此阿衡保衡非常人之官名蓋當時

特以此名號伊尹也作訓為起乃曰予弗克俾厥后

言起而助湯也正長釋詁文惟堯舜其心愧恥若撻于市傳言伊尹不能使其君

如堯舜則恥之若見撻于市故成其能○俾必爾反

商書 卷之十一 高宗彤日第十五

一夫不獲則曰時予之辜傳伊尹見一夫不得其所

則以為已罪佑我烈祖格于皇天傳言以此道左右

成湯功至于天無能及者傳尚明保予罔俾阿衡專

美有商傳汝庶幾明安我事則與伊尹同美阿烏何反

惟后非賢不又惟賢非后不食傳言君須賢治賢須

君食治直吏反其爾克紹乃辟于先王永綏民傳能繼

汝君於先王長安民則汝亦有保衡之功辟必亦反說

拜稽首曰敢對揚天子之休命傳對答也答受美命

而傳

高宗彤日第十五

商書

高宗祭成湯有飛雉升鼎耳而雊傳耳不聰之異雊鳴

○雊工豆反祖已訓諸王傳賢臣也以訓道諫王音紀作

高宗彤日高宗之訓傳所以訓也亡音融高宗至

正義曰高宗祭其太祖成湯於彤祭之日有飛雉來

升祭之鼎耳而雊鳴其臣祖已以為王有失德而致

此祥遂以道義訓王勸王改脩德政史敘其事作高

宗彤日高宗之訓二篇傳耳不至雊鳴正義曰

經后彤日有雊雉不知祭何廟鳴何處故序言祭成

湯升鼎耳以足之禘禘與四時之祭祭之明日皆為

彤祭不知此彤是何祭之彤也洪範五事有貌言視

聽思若貌不恭言不從視不明聽不聰思不睿各有

商書 卷之十一 高宗彤日第十五

尚書疏
妖異與焉雉乃野鳥不應入室今乃入宗廟之內升
鼎耳而鳴孔以雉鳴在鼎耳故以為耳不聰之異也
洪範五行傳云視之不明時則有羽蟲之孽聽之不
聰時則有介蟲之孽言之不從時則有毛蟲之孽貌
之不恭時則有鱗蟲之孽思之不睿時則有裸蟲之
孽先儒多以此為羽蟲之孽非為耳不聰也漢書五
行志劉歆以為鼎三足三公象也而以耳行野鳥居
鼎耳是耳將居公位敗宗廟之祀也鄭云鼎三公
象也又用耳行雉升鼎耳而鳴象視不明天意若云
當任三公之謀以為政劉鄭雖小異其為羽蟲之孽
則同與孔意異詩云雉之朝雉尚求其雌說文云雉
雄雉鳴也雷始動雉乃鳴而雉其頸○**傳**所以訓也
仁○正義曰名高宗之訓所以訓高宗也此二篇俱
是祖已之言竝是訓王之訓所以訓高宗也此二篇亦
是訓也但所訓事異分為二篇標此為發言之端故
以彤日為名下篇摠諫王之事故名之訓終始互相
明也肆命但后孔歷其名於伊訓之下別為之傳此
高宗之訓因序為傳不重出名者此以訓王事同因

解文便作傳
不為例也

高宗彤日



祭之明日又祭殷曰彤周曰釋○**釋**
字書作釋爾雅云又祭也○**傳**祭之至曰釋○
周曰釋商曰彤夏曰復昨○**正義**曰釋文云釋

又祭也周曰釋商曰彤孫炎曰祭之明日尋釋
復祭也彤者相尋不絕之意春秋宣八年六月
辛巳有事於太廟壬午猶釋穀梁傳曰釋者祭
之且日之享賓也是彤者祭之明日又祭也爾
雅因釋祭而本之上世故先周復商此以上代
先後故與爾雅倒也釋文又云夏曰復昨郭璞
云未見所出或無此一句孔傳不言夏曰復昨
於義非所須或本無此事也儀禮有司徹上大
夫曰饋尸與正祭同日鄭康成註詩鳧
鷺云祭天地社稷山川五祀皆有釋祭

高宗彤日越有雉雉



於彤日有雉異祖已曰惟先格

王正厥事

傳

言至道之王遭變異正其事而異自消

疏

高宗至厥事。正義曰高宗既祭成湯彤祭之日於是有雉鳴之雉在於鼎耳此乃怪異之事賢臣

祖已見其事而私自言曰惟先世至道之王遭變異則正其事而異自消也既作此言乃進言訓王史

錄其事以為訓王之端也。言言至自消。正義曰格訓至也至道之王謂用心至極行合於道遭遇

變異改脩德教正其事而異自消大戊拱木武丁雉雉皆感變而懼殷道復興是異自消之驗也至道之

王當無災異而云遭變消災者天或有譴告使之至道未必為道不至而致此異且此勸戒之辭不可執

文以害意也此經直云祖已曰不知與誰語鄭云謂其黨王肅云言于王下句始言乃訓于王此句亦是

告王之辭私言乃訓于王曰惟天監下民典厥義。祖已既言遂以道訓諫王言天視下民以義為常降

年有永有不永非天天民民中絕命。言天之下年

與民有義者長無義者不長非天欲天民民自不脩

義以致絕命。民有不若德不聽罪天既孚

命正厥德。不順德言無義不服罪不改脩天已信

命正其德謂有永有不永。乃訓至厥德。正義曰

道訓諫於王曰惟天視此下民常用其義言以義視下觀其為義以否其下年與民有長者有不長者言

與為義者長不義者短短命者非是天欲天民民自不脩義使中道絕其性命但人有為行不順德義有

過不服聽罪過而不改乃致天罰非天欲天之也天既信行賞罰之命正其馭民之德欲使有義者長不

義者短王安得不行義事求長命也。言天至絕命。正義曰經惟言有永有不永安知由義者以上

句云惟天監下民典厥義天既以義為常知命之長短莫不由義故云天之下年與民有義者長無義者不長也民有五常之性謂仁義禮智信也此獨以義為言者五常指體則別理亦相通義者宜也得其事宜五常之名皆以適宜為用故稱義可以摠之也民有貴賤貧富愚智好醜不同多矣獨以天壽為言者鄭玄云年命者養愚之人尤憫焉故引以諫王也憫貪也洪範五福以壽為首六極以短折為先是年壽者最是人之所貪故祖已引此以諫王也○**傳**不順至不永○正義曰傳亦顧上經故不順德言無義也聽謂聽從故以不聽為不服罪言既為罪過而不肯改脩也天已信命正其德言天自信命實有義罰無義此事必信也天自正其德福善禍淫其德必不差也謂民有永有不永天隨其善惡而報之勸王改過修德以**乃曰其如台****傳**祖已恐王未受其言故乃復曰天道其如我所言○**台音怡**復扶又反**嗚呼王司敬民罔非**

天胤與祀無豐于昵**傳**胤嗣昵近也歎以感王入其

言王者主民當敬民事民事無非天所嗣常也祭祀有常不當特豐於近廟欲王因異服罪改修之○**豐**

反昵女乙反尸子云不避遠昵昵近也又乃禮反馬云昵考也謂禰廟也○**嗚呼**至于昵已恐其言不入王意又歎而戒之嗚呼王者主民當謹敬民事民事無非天所繼嗣以為常道者也天以其事為常王當繼天行之祀禮亦有常無得豐厚於近廟若特豐於近廟是失於常道高宗豐於近廟欲王服罪改修也○**胤**胤嗣至改修之○正義曰釋詁云胤嗣繼也俱訓為繼是胤得為嗣嗣亦繼之義也釋詁云即尼也孫炎曰即猶今也尼者近也郭璞引尸子曰悅尼而來遠是尼為近也尼與昵音義同烝民不能自治自立君以主之是王者主民也既與民為主當敬慎民事民事無大小無非天所嗣常也言

尚書疏 卷之十五 及右

天意欲令權嗣行之所以為常道也祭祀有常謂儀
牲案盛尊彝俎豆之數禮有常法不當特豐於近廟
謂儀牲禮物多也祖已知高宗豐於近廟欲王因此
雖雉之異服罪改修以從禮耳其異不必由豐近而
致之也王肅亦云高宗豐於禘故
有雉雉升遠祖成湯廟鼎之異

西伯戡黎第十六

商書

殷始咎周

咎惡

○咎其九反馬云
咎周者為周所咎

周人乘黎

乘勝

也所以見惡

○黎力兮反國名
尚書大傳作者

祖伊恐

祖已後賢

臣奔告于受

受紂也音相亂帝乙之子嗣立暴虐

無道

○受如字傳云受紂也音相亂馬云受
紂曰紂或曰受婦人之言故號曰受也

作西伯

戡黎

傳

戡亦勝也

○伯亦作柏戡音堪說文作戡云
殺也以此戡訓刺音甚反勝詩

證

殷始至戡黎○正義曰文王功業稍高王兆漸
反著殷之朝廷之臣始畏惡則家所以畏惡之者

以周人伐而勝黎邑故也殷臣祖伊見周克黎國之
易恐其終必伐殷奔走告受言殷將滅史敘其事作

西伯戡黎○傳咎惡又云乘勝至見惡○正義曰易
繫辭云無咎者善補過也則咎是過之別名以彼過

而憎惡之故咎為惡也以其勝黎所以見惡釋其見
惡之由是周人勝黎之後始惡之詩毛傳云乘陵也

乘駕是加陵之意故乘為勝也鄭玄云紂聞文王斷
虞芮之訟又三伐皆勝而始畏惡之所言據書傳為

說伏生書傳云文王受命一年斷虞芮之質二年伐
邢三年伐密須四年伐大夷五年伐耆六年伐崇七

年而崩者即黎也乘黎之前始言惡周故鄭以伐邢
伐密須伐大夷三伐皆勝始畏惡之武成篇文王誕

膺天命九年乃崩則伐國之年不得如書傳所說未
必見三伐皆勝始畏之○祖已後賢臣○正義曰

此無所出正以同為祖氏知其後明能先覺故知賢臣。傳受紂至無道。正義曰經云奔告于王王無謚號故序言受以明之此及秦誓武成皆呼此君為受自外書傳皆呼為紂受即紂也音相亂故字改易耳殷本紀云帝乙崩于辛立是為帝辛天下謂之紂鄭玄云紂帝乙之少子名辛帝乙愛而欲立焉號曰受德時人傳聲轉作紂也史掌書知其本故曰受與孔大同謚法云殘義損善曰紂殷時未有謚法後人見其惡為作惡義耳。傳戡亦勝也。正義曰戡勝釋詁文孫炎曰戡強之勝也。

西伯戡黎

西伯既戡黎。傳近王圻之諸侯在上黨東北。○近圻近依。西伯戡黎。正義曰鄭玄云西伯周文王也時反。國於岐封為雍州伯也國在西故曰西伯王肅云王者中分天下為二公總治之謂之二伯得專行征伐文王為西伯黎侯無道文王伐而勝之兩說不

同孔無明解下傳云文王率諸侯以事紂非獨率一州之諸侯也論語稱三分天下有其二以服事殷謂文王也終乃三分有二豈獨一州牧乎且言西伯對東為名不得以國在西而稱西伯也蓋同上肅之說。傳近王至東北。○正義曰黎國漢之上黨郡壺關所治黎亭是也紂都朝歌王圻千里黎在朝歌之西故為近王圻之諸侯也鄭云入紂圻內文王猶尚事紂不可伐其圻內所言圻內亦無文也。祖伊恐奔告于王曰天子天既訖我殷命。傳文王率諸侯

以事紂內秉王心紂不能制今又克有黎國迫近王圻故知天已畢訖殷之王命言將化為周。○王心于宜王。傳文王至為周。○正義曰襄四年左傳云文者同。傳王率殷之叛國以事紂是率諸侯共事紂也貌雖事紂內秉王心布德行威有將王之意而紂不能制日益強大今復克有黎國迫近王圻似有天功。

之力故云天已畢訖殷之王命言
殷祚至此而畢將欲化為周也
格人元龜罔敢知

吉傳 至人以人事觀殷大龜以神靈考之皆無知吉

記傳 至人至知吉○正義曰格訓為至至人謂至道

靈逆知來物故大龜以神靈考之二者皆無知殷有

吉者言必凶也祖伊木必問至人親灼龜但假之以

為言 **非先王不相我後人惟王淫戲用自絕** **傳** 非先

祖不助子孫以王淫過戲逸用自絕於先王 **亮反**

故天棄我不有康食不虞天性不迪率典 **傳** 以紂自

絕於先王故天亦棄之宗廟不有安食於天下而王

不度知天性命所在而所行不蹈循常法言多罪 **度**

待洛 **傳** 以紂至多罪○正義曰禮記稱萬物本於

反 **傳** 天人本於祖則天與先王俱是人君之本紂

既自絕於先王亦自絕於天上經言紂自絕先王此

言天棄紂互明紂自絕然後天與先王棄紂之故傳

申通其意以紂自絕先王故天亦棄之亦者亦先王

以事其先王然後祭則鬼享之今紂既自絕於先王

先王不有安食於天下言紂雖以天子之尊事宗廟

宗廟之神不得安食也而王不度知天命所在不知

已之性命當盡也而所行不蹈循常法動悉違法言

多 **今我民罔弗欲喪曰天曷不降威大命不摯今王**

其如台 **傳** 摯至也民無不欲王之亡言天何不下罪

誅之有大命宜王者何以不至王之凶害其如我所

言 ○摯音至 **傳** 摯至也至所言○正義曰摯至同

本又作藝 **傳** 音故摯為至也言天何不下罪誅之

尚書疏 卷之十一 十八

恨其久行虐政欲得早殺之也有大命宜王者何以不至向望大聖之君欲令早伐紂也王之凶禍其如我之所言以王不信故審告之也 **王曰嗚呼我生不有命在天** **傳**言

我生有壽命在天民之所言豈能害我遂惡之辭祖 **伊反曰嗚呼乃罪多參在上乃能責命于天** **傳**反報

紂也言汝罪惡衆多參列於上天天誅罰汝汝能責命于天拒大誅乎 **傳**參七南反馬 **殷之即喪指乃功**

不無戮于爾邦 **傳**言殷之就亡指汝功事所致汝不得無死戮於殷國必將滅亡立可待

微子第十七

尚書

殷既錯天命 **傳**錯亂也 **微子作誥** **傳**少師

師 **傳**告二師而去紂 **傳**少師 **傳**殷既至少師 **傳**正義

錯辭天命其兄微子知紂必亡以作言誥告父師其子少師比于史敘其事而作此篇也名曰微子而不言作微子者已言微子作誥以可知而省文也 **傳**錯亂也 **傳**正義曰交錯是渾亂之義故為亂也不指言紂惡而言錯亂天命者天生蒸民立君以牧之為君而無君道是錯亂天命為惡之大故舉此以見惡之極耳

微子 **傳**微圻內國名子爵為紂卿士去無道 **傳**微

圻至無道 **傳**正義曰微國在圻內先儒相傳為然鄭玄以為微與箕俱在圻內孔雖不言箕亦

當在圻內也王肅云微國名子爵入為王卿上
肅意蓋以微為圻外故言入也微子名各世家
作開避漢景帝諱也啓與其弟仲衍皆是紂之
同母庶兄史記稱微仲衍亦稱微者微子封
微以微為氏故弟亦稱微猶如春秋之世虞公
之弟稱虞叔祭公之弟稱祭叔微子若非大臣
則無假憂紂亦不必須去以此知其為卿
士也傳云去無道者以去見其為卿士也

微子若曰父師少師

傳

父師太師三公箕子也少師孤

卿比于微子以紂距諫知其必亡順其事而言之殷

其弗或亂正四方

傳

或有也言殷其不有治正四方

之事將必亡

傳

我祖底遂陳于上

傳

言湯致遂

其功陳列於上世我用沈酗于酒用亂敗厥德于下

傳

我紂也沈湎酗管敗亂湯德於後世

傳

沈徐直金

以酒為凶曰酗說文作醕云酒管湎
面善反管音詠說文于命反醕酒也

殷罔不小大好

草竊姦宄

傳

草野竊盜又為姦宄於外內

好呼報

卿士師師非度凡有辜罪乃罔恒獲

傳

六卿典士相

師效為非法度皆有辜罪無秉常得中者

如字小民

方輿相為敵讎

傳

卿士既亂而小人各起一方共為

敵讎言不和同

傳

今殷其淪喪若涉大水其無

津涯

傳

淪沒也言殷將沒亡如涉大水無涯際無所

依就

淪音倫徐力允反喪息
浪反厓五皆反又宜佳反

殷遂喪越至于今

言遂喪亡於是至於今到不待久○微子至于今○正義曰微子將欲去殷順其去事而言曰父師少師呼二師與之言也昔我祖成湯致行其道遂其功業陳列於上世矣今我紂惟用沈湎醜營於酒用是亂敗其祖之德於下由紂亂敗之故今日殷人無不小大皆好草竊姦先雖在朝卿士相師師為非法度之事朝廷之臣皆有辜罪乃無有一人能秉常得中者在外小人方方各起相與共為敵讎荒亂如此今殷其沒亡若涉大水其無津濟涯岸殷遂喪亡言不復久也此喪亡於是至於今到必不得更久也○父師至言之○正義曰以畢命之篇王呼畢公為父師畢公時為太師也周官去太師太保茲惟三公少師少傅少保曰三孤家語云比干官則少師少傅是也于知太師是箕子也徧檢書傳不見箕子之名惟司馬彪注莊子云箕子名胥餘不知出何書也周官以少師為孤此傳言孤卿者孤亦卿也考工記曰外有九室九卿

朝焉是三孤六卿共為九卿也此干不言封爵或本無爵或有而不言也家語云比干是紂之親則諸父知比干是紂之諸父耳箕子則無文宋世家云箕子者紂親戚也止言親戚不知為父為兄也鄭玄王肅皆以箕子為紂之諸父服虔杜預以為紂之庶兄既無正文各以意言之耳微子以紂距諫知其必亡心欲去之故順其去事而言呼二師以告之○或有至必亡○正義曰或者不定之辭其事欲當然則是有此事故以或為有也鄭玄論語注亦云或之言有也不有言無也天子天下之主所以治正四方言殷其不有治正四方之事言將必亡○我紂至後世○正義曰嗜酒亂德是紂之行故知我我紂也人以酒亂若沈於水故以耽酒為沈也酒然齊同之意謂酒變而色而然齊同無復平時之容也說文云醜營也然則醜營一物謂飲酒醉而發怒經言亂敗其德必有所屬上言我祖指謂成湯知言敗亂湯德於後世也上謂前世故下為後世也○六卿至中者○及古謂

○正義曰士訓事也故卿士為六卿典事師師言相師效為非法度之事也止言卿士以貴者尚爾見賤者皆然故王肅云卿士以下轉相師效為非法度之事也鄭云凡猶皆也傳意亦然以凡為皆言卿士以下在朝之臣其所舉動皆有辜

罪無人能秉常行得中正者 曰父師少師我其發出狂吾家毫遜于荒

傳我念殷亡發疾生狂在家毫

亂故欲遜出於荒野言愁悶

反徐徒頓反 今爾無指告予顛齊若之何其

反音徒困反 今爾無指告予顛齊若之何其

指意告我殷邦顛隕齊墜如之何其救之

今反切韻祖稽 曰父師至何其○正義曰微子既反隕于敏反

故別加一曰父師少師更呼而告之也我念殷亡之故其心發疾生狂吾在家心內毫亂欲遜遜出於荒

野今汝父師少師無指滅亡之意告我云殷邦其墜則思如之何其救之乎恐其留已共救之也

我念至愁悶○正義曰狂生於心而出於外故傳以出狂為生狂應璩詩云積念發狂癡此其事也在家

思念之深精神益以毫亂鄭玄云毫昏亂也在家不堪毫亂故欲遜出於荒野言愁悶之至詩云駕言出

遊以寫我憂亦此意也○汝無至救之○正義曰無指意告我者謂無指殷亡之事告我言殷將隕墜

欲留我救之顛譚從上而隕墜謂墜於溝壑皆滅亡之意也昭十三年左傳曰小人老而無子知齊於溝

壑矣王肅云齊濟溝壑 父師若曰王子

言此齊之義如左傳也 父師若曰王子

明心同省文微子帝乙元子故曰王子

天生紂為亂是

天毒下災四方化紂沈湎不可如何乃罔畏畏咈其

考長舊有位人

傳言起沈涵上不畏入災下不畏賈

人違戾耆老之長臥仕之賢不用其教法紂故

反考工口反長竹丈反注同

今殷民乃攘竊神祇之犧牲牲用以

容將食無災

傳自來而取曰攘色純曰犧體完曰牲

牛羊豕曰牲器實曰用盜天地宗廟牲用相容行食

之無災罪之者言政亂○懷如羊反因來而取曰攘竊馬云往盜曰竊神祇天曰

神地曰祇犧許宜反徐音全降監殷民用又讎斂召敵讎不怠

傳下視殷民所用治者皆重賦傷民斂聚怨讎之道而

又亟行暴虐自召敵讎不解息○讎如字下同徐云鄭音讎馬本作彌云

數也斂力檢反馬鄭力豔反謂賦斂也徐云鄭力斂反治直吏反亟欺忌反數也又紀力反不又作極如

字至也解罪合于一多瘠罔詔傳言殷民上下有罪

皆合於一法紂故使民多瘠病而無詔救之者○瘠在盜

反商今其有災我興受其敗傳災滅在近我起受其

敗言宗室大臣義不忍去商其淪喪我罔為臣僕詔

王子出迪傳商其沒亡我二人無所為臣僕欲以死

諫紂我教王子出合於道○臣僕一本無臣字我舊云刻子王

子弗出我乃顛隤傳刻病也我久知子賢言於帝乙

欲立子帝乙不肯病子不得立則宜為殷後者子今

若不出逃難我殷家宗廟乃隕墜無主

○舊云馬云言也刻音克

馬云侵刻也

自靖人自獻于先王

○靖馬本作清謂潔也

人人自獻達于先王以不失道

○靖馬本作清謂潔也

我不顧

行遜

言將與紂俱死所執各異皆歸於仁明君子

之道出處語默非一途

○顧音故徐音鼓

○父師至行遜○正義曰父師亦

順其事而報微子曰王子今天酷毒下災生此昏虐之君以荒亂殷之邦國紂既沈淪四方化之皆起而沈淪醜管於酒不可如何小人皆自放恣乃無所畏上不畏天災下不畏賢人違戾其耆老之長與舊有爵位致仕之賢人今殷民乃攘竊祭祀神祇之犧牲用以相通容行取食之無災罪之者盜天地大記之物用而不得罪言政亂甚也我又下視殷民所用為治民者皆讎怨斂聚之道也言重賦傷民民以在

上為讎重賦乃是斂讎也既為重賦又急行暴虐此

所以益招民怨是乃自召敵讎不解息也上下各有

罪合於一紂之身言紂化之使然也故使民多瘠病

而無詔救之者商今其有滅亡之災我起而受其敗

商其沒亡喪滅我無所為人臣僕言不可別事他人

必欲諫取死也我教王子出奔於外是道也我久云

子賢言於帝乙欲立子不肯我乃病傷子不得立為

王則宜終為殷後若王子不出則我殷家宗廟乃隕

墜無主既勸之出即與之別云各自謀行其志人人

各自獻達於先王我不顧念行遜之事明期與紂俱

死○○比干至王子○正義曰詒二人而一人答明

心同省文也鄭云少師不答志在必死然則箕子本

意豈必求生乎身若求生何以不去既不顧行遜明

災故言天生紂為亂木之於天天毒下災也以微于
云若之何此答彼意故言四方化紂沈湎不可如何
○言起至紂故○正義曰文在方與沈湎之下則
此無所畏者謂當時四方之民也民所當畏惟畏
天與人耳故知二畏者上不畏天下不畏賢人違戾
者長與舊有位人即是不畏賢人故不用其教紂無
所畏此民無所畏謂法紂故也○自來至政亂○
正義曰讓竊同文則讓是竊類釋詁云讓因也是因
其自來而取之名讓也說文云犧宗廟牲也曲禮云
天子以犧牛天子祭牲必用純色故知色純曰犧也
周禮牧人掌牧六牲以供祭祀之牲牲以牲為言必
是體全具也故體完曰牲經傳多言三牲知牲是牛
羊豕也以犧牲三者既為俎實則用者簠簋之實
謂黍稷稻粱故云器實曰用謂菜盛也禮天曰神地
曰祗奉天地則人鬼在其間矣故總云盜天地宗廟
牲用也訓將為行相容行食之謂所司相通容使盜
者得行盜而食之大祭祀之物物之重者盜而無罪
言政亂其也漢魏以來著律皆云敢盜郊祀宗廟之

物無多少皆死為特重故也○
義曰箕子身為三公下觀世俗故云下視殷民所用
治者謂卿士已下是治民之官也以紂暴虐務稱上
旨皆重賦傷民既傷矣則以上為備泰誓所謂虐
我則讎是也重斂民財乃是聚斂怨讎之道既為重
斂而又亟行暴虐亟急也急行暴虐欲以威民乃是
自召敵讎勤行虐政是不懈怠也○商其至於道
○正義曰有災與淪喪一事而重出文者上言商今
其有災我與受其敗逆言災雖未至則已必受禍
此言商其淪喪我罔為臣僕言殷滅之後言已不
事異姓辭有二意故重出其文我無所為臣僕言不
能與人為臣僕必欲以死諫紂但箕子之諫值紂怒
不甚故得不死耳我教王子出合於道保全身命終
為殷後使宗廟有上享祀不絕是合其道也○刻
病至無主○正義曰刻者傷害之義故為病也呂氏
春秋仲冬紀云紂之母生微子啓與仲衍其時猶尚
為妾改而為妻後生紂紂之父欲立微子啓為太子
太史據法而爭曰有妻之子不可立妾之子故立紂

尚書

卷之十一

及左

